



## XALQ DEPUTATLARI SURXONDARYO VILOYATI ANGOR TUMAN KENGASHINING QARORI

190200, Angor q, Al-Hakim at-Termiziy ko`chasi 58-uy, tel.: 0(376) 31-22-012, faks: 0(376) 31-22-012

2023 - yil 31 - mart

VI-59-61-8-109-K/23

Angor tuman hokimligi

**O‘zbekiston Respublikasi Prezidentining 2021-yil 3-dekabrdagi PQ-31-sonli qarori asosida tumandagi hokim yordamchilari faoliyatining natijadorligi hamda aholi bandligini ta’minlash va kambag‘allikni qisqartirish bo‘yicha 2022-yil davomida amalga oshirilgan ishlar yuzasidan tuman Mahallabay ishlash va tadbirkorlikni rivojlantirish markazi boshlig‘ining hisoboti to‘g‘risida**

Tuman Mahallabay ishlash va tadbirkorlikni rivojlantirish markazi boshlig‘ining tumandagi hokim yordamchilari faoliyatining natijadorligi hamda aholi bandligini ta’minlash va kambag‘allikni qisqartirish bo‘yicha 2022-yil davomida amalga oshirilgan ishlar yuzasidan hisoboti tinglanib, Xalq deputatlari tuman Kengashining 2023-yil II yarim yilligiga mo‘ljallangan ish rejasiga asosan, O‘zbekiston Respublikasi “Mahalliy davlat hokimiyati to‘g‘risida”gi Qonunining 6 va 24-moddalariga muvofiq, Xalq deputatlari Angor tuman Kengashi

### **QAROR QILADI:**

1. Tuman Mahallabay ishlash va tadbirkorlikni rivojlantirish markazi boshlig‘ining tumandagi hokim yordamchilari faoliyatining natijadorligi hamda aholi bandligini ta’minlash va kambag‘allikni qisqartirish bo‘yicha 2022-yil davomida amalga oshirilgan ishlar yuzasidan hisoboti ma’lumot uchun qabul qilinsin.

**2. Tuman sektor rahbarlari, tuman hokimining birinchi o‘rinbosari (O.Muratov), tuman Mahallabay ishlash va tadbirkorlikni rivojlantirish markazi (U.Qosimov)larga:**

- aholi muammolari va murojaatlar bilan ishlash faoliyatidagi kamchiliklarni bartaraf qilish hamda mansabdor shaxslarning mas’uliyatini oshirish;

- ijtimoiy himoyaga muhtoj oilalar bilan yakka tartibda suhbatlar o‘tkazish, “xonadonbay” yurish faoliyati samaradorligini oshirish;

- mahallalarda tadbirkorlikni rivojlantirishning ichki imkoniyatlari, tadbirkorlik bo‘yicha ixtisoslashuv va mehnat resurslarini inobatga olgan holda uni rivojlantirishga

turtki beradigan omillar va yo‘nalishlarni belgilash, ularni ishga solish orqali mahallaning iqtisodiy rivojlanishini ta‘minlash;

- doimiy daromad manbaiga ega bo‘lmagan va ishsiz aholining, ayniqsa, yoshlar va xotin-qizlarning qiziqishlarini o‘rganish orqali ularni kasb-hunar va tadbirkorlikka o‘rgatuvchi o‘quv markazlariga yo‘naltirish hamda o‘qishni tamomlagan bitiruvchilarning bandligini ta‘minlashga yordam berish;

- mahallalardagi mavjud bo‘sh ish o‘rinlarini hamda xo‘jalik yurituvchi subyektlarning mavsumiy ishchilarga bo‘lgan talabini aniqlash orqali ishsizlarni, birinchi navbatda, “Temir daftar”, “Ayollar daftari” va “Yoshlar daftari”ga kiritilgan yoshlar va xotin-qizlarni bo‘sh (vakant) ish o‘rinlariga joylashtirish hamda haq to‘lanadigan jamoat ishlariga jalb qilish;

- mahallalarda istiqomat qiluvchi aholining oilaviy tadbirkorligini rivojlantirish, jumladan, ularning hunarmandchilik, kasanachilik, tomorqadan samarali foydalanish, kichik ishlab chiqarish, xizmat ko‘rsatish va boshqa turdagi faoliyatni yo‘lga qo‘yishi uchun oilaviy tadbirkorlik dasturlari doirasida kreditlar olishda ko‘maklashish;

- mahallalarning ixtisoslashuvidan kelib chiqib, kooperatsiya asosida tadbirkorlik faoliyatini yo‘lga qo‘yish istagini bildirgan yetakchi tadbirkorlarga imtiyozli kreditlar ajratishni tashkil etish, ularga tadbirkorlik bilan mustaqil shug‘ullanish tajribasiga ega bo‘lmagan fuqarolarni o‘z faoliyatini yo‘lga qo‘yishi uchun ularga biriktirish;

- tadbirkorlik faoliyatini amalga oshirishga to‘siq bo‘layotgan muammolarning (muhandislik-kommunikatsiya tizimlariga ulanish va ulardan foydalanish, turli xil faoliyatni yo‘lga qo‘yish uchun ruxsatnomalar va litsenziyalar olish, bo‘sh bino va yer maydonlarini tadbirkorlik bilan shug‘ullanish uchun ajratish va boshqalar) tegishli tashkilotlar tomonidan hal etilishini tashkil etsin.

### **3. Tuman hokimining birinchi o‘rinbosari (O.Muratov), tuman Mahallabay ishlash va tadbirkorlikni rivojlantirish markazi (U.Qosimov)larga:**

- har oy yakuni bilan hokim yordamchilari faoliyati o‘rganilib, eng past ko‘rsatkichga ega hokim yordamchisining ish faoliyatini tahlil qilish;

- amalga oshirilgan ishlar natijadorligi yuzasidan **har chorak yakuni** bilan Xalq deputatlari tuman Kengashining sessiyalarda hisobot berib borish vazifasi yuklatilsin.

4. Tuman hokimligi matbuot xizmati, “Angor yog‘dusi” gazetasi tahririyati (G.Jumayeva)ga sohada amalga oshirilayotgan ishlarni ommaviy axborot vositalarida va internet tarmoqlarida keng yoritib borish tavsiya etilsin.

5. Mazkur qaror ijrosini nazorat qilish Xalq deputatlari tumani Kengashining Mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi (R.Kabulova) hamda tuman

hokimining birinchi o‘rinbosari (O.Muratov) zimmasiga yuklatilsin.

6. Ushbu qaror qabul qilingan kundan e’tiboran kuchga kiradi.

**Sessiya raisi**



**X.Xolmurodov**